

## M081A: Seckauer (St. Lambrechter) Gebete A

- 105r,5 ich bite dich hêrre durch ditze wîhez  
 105r,6 und lîphaftigez unde êrwirdigez  
 105r,7 tougen und durch die micheln  
 105r,8 kraft dînes heiligen lîchnamen  
 105r,9 und dînes hêren bluotes daz uns tagelîchen  
 105r,10 vuoret und trenket daz uns  
 105r,11 lûteret unde reinet und uns heilic  
 105r,12 machet unde uns teilnûmftic machet  
 105r,13 der êwigen goteheit gip mir
- 105v,1 hêrre dîne heilige tugende ervülle  
 105v,2 mîn herze mit den wâren tugenden  
 105v,3 daz ich mit lîhteme sinne unde mit  
 105v,4 lûterem herzen gêne ze dînem tische  
 105v,5 müeze unde ze dînem vrôneme altære  
 105v,6 daz ich dich himelischez heilictuom  
 105v,7 alsô entvâhen müeze daz er mir werde  
 105v,8 ein wârez heil und der êwige lîp  
 105v,9 wande dû uns alsô hêrre geheizen hâst  
 105v,10 "daz brôt daz ich gibe daz ist mîn  
 105v,11 vleisch und mîn bluot durch dirre  
 105v,12 werlt leben der mich izzet der lebet  
 105v,13 mîn er ist in mir unde bin ich
- 106r,1 in im ." aller brôte süezeste heile  
 106r,2 den guomen mînes herzen daz ich  
 106r,3 innen werde unde verstê der süeze  
 106r,4 dîner minne . heile hêrre mîn  
 106r,5 herze von aller slahte sêre . [dazz] [mir] iuwiht  
 106r,6 smecke oder süeze sî . wande dû aller  
 106r,7 brôte wîzest dû hâst die êwigen  
 106r,8 süeze und den heiligen smac dû  
 106r,9 uns ze allen zîten æzest und dîn doch  
 106r,10 niemer zerinnet . mîn herze  
 106r,11 müeze dich ezzen mit der süeze  
 106r,12 dînes smackes werde mîn herze  
 106r,13 unde mîn sîl ervülltet unde gesatet

- 106v,1 dich izzet der engel mit vollem  
 106v,2 munde der ellende mennische der  
 106v,3 ezze dich al nâch sînen kreften daz  
 106v,4 im niht gebreste an dem wege dirre  
 106v,5 vuore schol er leben . heiligez brôt  
 106v,6 lebentigez brôt dû dâr koeme von  
 106v,7 himele und gîst der werlt den êwigen  
 106v,8 lîp kum in mîn herze und reine  
 106v,9 mich von aller slahte übel  
 106v,10 des vleisches unde des geistes kum  
 106v,11 in mîn sêle und mache si heilic  
 106v,12 heile si ûzen und innen wis  
 106v,13 mîn huote unde mîn schirme
- 107r,1 wis ein êwigez heil mînes lîbes  
 107r,2 unde mîner sêle vertrîbe hêrre  
 107r,3 vone mir die vîent die  
 107r,4 mir lâgente sîn vertrîbe hêrre  
 107r,5 si von der gagenwûrte mîner  
 107r,6 riuwe daz ich ûzene unde innen  
 107r,7 alsô bewart sî daz ich an  
 107r,8 deme rehthen wege volkome  
 107r,9 hine zuo dînem  
 107r,10 rîche dâ man ez niht  
 107r,11 begêt mit tougenen  
 107r,12 dingen alsô hier dâ wir gesehen  
 107r,13 sulen mit unsern ougen dîn antlütze
- 107v,1 dâ wir dich schouwen wærlîche  
 107v,2 alsô dû bist sô dû hêrre vater  
 107v,3 unde got in dîneme rîche gesitzest  
 107v,4 sô dû ez hêrre allez wirdest  
 107v,5 in uns allen unde dû erschînest  
 107v,6 in uns unde uns alle verwandelest  
 107v,7 an dich sô gesatest dû mich  
 107v,8 dîn . mit einer wunderlîchen  
 107v,9 süeze sô bin ich sat vone  
 107v,10 êwen ze êwen sô gedürstet  
 107v,11 noch gehungeret  
 107v,12 mich niemer mîr âmen  
 107v,13 lamp des almehtigen vaters
- 108r,1 dû dâr koeme von himele unde  
 108r,2 næme die sünde dirre werlt  
 108r,3 mîn hêrre . [nim] mîn unreht unde  
 108r,4 mache mich des wert daz ich gezalt  
 108r,5 werde under dînen diernen  
 108r,6 unde hilf mir daz ich hiute

108r,7 dînen heiligen lîchnamen entvâhen  
 108r,8 müeze niht ze eineme verlore  
 108r,9 und ze einer urteil . sunder hilf  
 108r,10 mir durch willen mîner vrouwen  
 108r,11 sante Marien und aller dîner  
 108r,12 heiligen . daz ich ez entvâhe . ze  
 108r,13 antlâze mîner sünde mîn vrouwe

108v,1 sante Marîe mit allem himelischeme  
 108v,2 herje sî mir wegente  
 108v,3 daz mir vile armer unde bewollener  
 108v,4 mit michelen sünde dirre  
 108v,5 heiliger lîchname unde ditze  
 108v,6 bluot vrônez werde ein erzentuom  
 108v,7 und ein antlâz mîner sünde  
 108v,8 lebentigez brôt wârez brôt  
 108v,9 der engel lieht und leben dirre  
 108v,10 werlte hîrre Krist erliuhte die  
 108v,11 vinster mînes herzen daz dirre  
 108v,12 here lîchname unde dîn heiligez  
 108v,13 bluot sî mir ein heil unde

109r,1 ein lieht mînes lîbes unde mîner  
 109r,2 sèle . hîrre Jesu Christe heilære  
 109r,3 allere diete urloesær dirre werlt  
 109r,4 dû bist ein barmherzer genâdære  
 109r,5 unde minnære alles mankünnes  
 109r,6 dû hâst genuoc dicke vertragen  
 109r,7 mîne schulde unze here  
 109r,8 nû lobe ich dich hîrre unde gere  
 109r,9 einvalticlichen dîner genâden  
 109r,10 daz dû mir ruochest  
 109r,11 ze helfenne durch willen aller  
 109r,12 dîner heiligen daz ich mit  
 109r,13 dirre engelischer vuore und mit

109v,1 disem himelischen brôte daz ich hiute  
 109v,2 gerne entvâhe daz ich dâ mit erwerben  
 109v,3 müeze den êwigen lîp  
 109v,4 âmen . hîrre got erbarme dich  
 109v,5 über mich durch die hêre geburt  
 109v,6 dînes sunes unseres hîrren Jesu  
 109v,7 Christi daz er geboren wart in dise  
 109v,8 werlt vone sante Marien alleme  
 109v,9 mankünne ze trôste durch  
 109v,10 die selben genâde vertîlige hîrre  
 109v,11 mîn unreht und brinc  
 109v,12 mich zuo den êwigen wünnen .

- 109v,13 dar er uns geladet hât mit
- 110r,1 sîner martere und mit sîneme  
 110r,2 tôde . ich bite dich hêrre durch  
 110r,3 daz vrône tougen dînes hêren  
 110r,4 lîchnamen und dînes bluotes daz  
 110r,5 dû mînen lîp und mîn herze  
 110r,6 niuwest und reinest . gip mir  
 110r,7 daz ich mit diseme hêren lîchnamen  
 110r,8 in dir belîben müeze und  
 110r,9 dû in mir verlîhe mir hêrre  
 110r,10 daz ich an mîner hineverte  
 110r,11 dînen hêren lîchnamen und  
 110r,12 dîn bluot wirdiclîchen entvâhen  
 110r,13 müeze . heiligez opfer
- 110v,1 hêrre got dû hâst diu wort  
 110v,2 des êwigen lîbes wir wizzen  
 110v,3 und erkennen daz dû bist der  
 110v,4 heilige Krist der wâre gotessun  
 110v,5 nû sihe ich hêrre des [ich] ie gerte  
 110v,6 des mîn herze ie gerte daz hân  
 110v,7 ich dîn heiligez vleisch und  
 110v,8 dîn bluot hân ich entvangen  
 110v,9 willekommen aller vleische  
 110v,10 hêreste aller ezzen süezest  
 110v,11 willekome himelischez tranc  
 110v,12 süeze des êwigen lîbes dîn vleisch  
 110v,13 hêrre hân ich entvangen
- 111r,1 in mich nû verwandel mich an  
 111r,2 dich hêrre Krist dîn lîchname  
 111r,3 heiliger der belîbe in mir unde  
 111r,4 erwerbe mir den wâren antlâz .  
 111r,5 ich hân gâz . ich [hân] getrunken . ich bin  
 111r,6 sat . ich bin mit dem lîchnamen enbizzzen  
 111r,7 der an dem kriuze erhangen  
 111r,8 was ich hân getrunken daz  
 111r,9 bluot daz ûz Kristes sîten vlôz . ich  
 111r,10 sage dir lop unde genâde hêrre  
 111r,11 daz [dû] mich sùntærinne geheilet  
 111r,12 hâst unde gereinet unde gesatet  
 111r,13 mit dîn selbes verhe unde bite
- 111v,1 dich daz mich disiu wirtschaft  
 111v,2 erloese von disses lîbes angesten  
 111v,3 unde von deme êwigen tôde unde  
 111v,4 bringe mich zuo den die dâ stêñ

111v,5 sulen ze dîner zesewen an der jungensten  
 111v,6 urteile dâ wir alle jehen  
 111v,7 sulen vore dir übele unde guote dâ  
 111v,8 wirdet den übelen erteilet swebel  
 111v,9 unde viur dâ gipes dû hîrre den  
 111v,10 sâligen dich selben ze lône . dû wirdest  
 111v,11 selbe ire leben an dich wirdet verwandelet  
 111v,12 ire herze unde ire sin  
 111v,13 dâ menent sich aber die sêle und

112r,1 daz vleisch daz tuot des êwigen gotes  
 112r,2 geist der machet lûter und  
 112r,3 rein si ne wizzent noch ne minnent  
 112r,4 niut wan dich eine . mit dir [ist]  
 112r,5 ervülltet diu sêle unde der lîchname  
 112r,6 sô wirdet daz vleisch deme geiste  
 112r,7 gehôrsam hîrre got sô gedenke mîn  
 112r,8 durch êre dînes vleisches und dînes  
 112r,9 bluotes dem ich hiute gemeint  
 112r,10 hân sô verwandele mich in daz  
 112r,11 êwige leben daz dû iemermêr  
 112r,12 in mir belîbest und ich in dir . dû  
 112r,13 bist selbe der êwige lîp mit dîneme

112v,1 heiligen geiste verwandele mich  
 112v,2 vile armez wîp daz ich vroelîchen  
 112v,3 müeze gêan an die himelischen Jerusalêm  
 112v,4 und mit den erwelten iemer  
 112v,5 leben in den genâden dâ ich  
 112v,6 dich êwiclîchen sehe âmen